


« تورك - ارمنى تعالى جمعيتى »



نظامنامه اساسيسى



استانبول — جهان برادر مطبعهسى

۱۳۳۹—۱۳۴۱

« جمعيتك تاريخ تاسيسي »

ماده ۱ — جمعيت ؛ بدايت مشروطيتده كشاد اولنهرق تورك وارمى عنصرينه منسوب بيكگرجه اولاد وطنى بر بنا آلتنه جمع ايدوب آرده جدى وصمىي بر محادنت تاسيسنه چالیشان قره بتيان سلطانيسى مآذونين قديمه سنك تشبيله ۲۸ ايلول ۳۳۵ تاريخنده « قره بتيان مآذونلرى جمعيتى » نامى تحتنده تشكل ايتمش و ۲۴ كانون اول ۳۳۸ تاريخنده عقد اولنان اجتماع عمومى ده عنوانى « تورك — ارمنى تعالى جمعيتى » نه تبديل ايدلمشدر .

جمعيتك مؤسسلى

ماده ۲ — جمعيتك مؤسسلى قره بتيان سلطانيسى مآذونين قديمه سندن عمر عزيز و نوبارتوزان بکلر درر . اوزون سنه لر دن برى تورك ارمنى عنصرى آرهنده مناسبات صميمه نك تاسيس و بقاسنه وقف حيات ايدوب تورکيا بيوك ملت مجلسى حكومتنه حقيقى تورك ارمنيلرى يتشدير مکه موفق و بوکره « تورک — ارمنى تعالى جمعيتى » نك وجوده کلله سنه سبب اولان قره بتيان سلطانيسى مؤسس و مديرى بدروس ذكى يك افندى جمعيتك مؤسس طبعيسيدر .

« جمعيتك مقصد و غايه سى »

ماده ۳ — جمعيت : علمى ، فنى ، اجتماعى ، اقتصادى و ادبى

بر مخادنت محفلی در . مقصد و مسلکی تورک وارمنی عنصری آره سنده
صمیمیت حقیقیه نك بقاسنه چالیشوب خصوصات علمیه و فنیه اوغرنده
صرف مساعی ایده رک تورکیا بیوک ملت مجلسی حکومتک منافعه خادم
بر نسل آتی وجوده کتیر مکدر .

جمعیت کنجلیکک ترقی و انکشافی ضمننده نشر یانده بولمق ،
مکتب ، خسته خانه و طلبه پانسیونی کشاد ایتک . بالعموم محتاج
معاونت مکاتب مداوملرینه یاردم ایتک هر سنه اوروپا به هرا یکی عنصر دن
مساوی مقدارده طلبه اعزام ایتک کبی علمی واجتماعی طریقار له تورک
وارمنی ملتلی آره سنده مخادنت حقیقیه نك تأمین و بقاسنه چالیشه جقدر .

« اعضالق »

ماده ٤ — اعضای جمعیت : اعضای حامیه ، اعضای مؤسسه ،
اعضای عامله اولمق اوزره اوچ قسمدر .

ا — اعضای حامیه : جمعیتک انکشاف و ترقیسی اوغرنده
خدمات فوق العاده اراز ایدن و یا ماهیه ایکی لیرا اعطاسنی تعهد
ایتک صورتیه جمعیتک تعالیسنده عامل مهم اولان احتیاجات مادییه
تأمین ایلان زاوت کرامدر .

ب — اعضای مؤسسه : قدیم و جدید بالعموم قره بتیان سلطانیسی
مأذونلریله بلااستنا مؤسسه مذکور نك هیئت تعلیمیه و منسوبیتدن
بولومش ذواتدر .

ج — اعضای عامله : جمعیه شهری معین مقدارده معاونت تقدیده
بولان ذواتدر .

ماده ۵ — جمعیت اعضاسی جمعیته خین دخولرنده هویت ورقهسی بدلی اولهرق یکرمی غروش تأدیسه سیله مکلفدرلر .

ماده ۶ — اعضای حامیه مستننا اولهرق اعضای مؤسسسه وعامله دن شهری منتظماً اصغری یکرمی بش غروش اعطاسنی تعهدایدنلر هیئت عمومیده صاحب رأی اولورلر .

ماده ۷ — جمعیت اعضاسی هر سنه تقسیط شهریسنی تزید ویا تنقیصده مختار ایسده سنوی اعطاسی تعهد اولنان حصه اعانه نك مقرداری جمعیتلر قانوننك سکنزنجی ماده سی موجبجه یکرمی درت لیرایی تجاوز ایدهمیه جکدر .

ماده ۸ — ارزو ایدن ذوات تعهدات شریه سنك بر سنه لك مقدارینی دفه تسویه ایده بیلور .

ماده ۹ — تعهد آلتنه کیر مکسزین هر ذات جمعیته ایسته دیکی قدر اعانات وتبرعانه بولونه بیلور .

« اعضالق شرائطی »

ماده ۱۰ — جمعیته داخل اولمق آرزوسنده بولنان ذواتك شرائط آتییه حی حائز اولمسی شرطدر .

ا — تورکیا بویوک ملت مجلسی حکومتی تبعه سندن اولمق .

ب — منافع مملکت علیهنده کی جریانلره خادم اولمدیغی مثبت بولونمق .